

Buku terbitan Malaysia diterjemah ke bahasa Jepun

PUTRAJAYA 6 Nov. - Sebanyak lima buku terbitan Malaysia yang diterjemahkan ke bahasa Jepun dilancarkan di Kinokuniya Shinjuku, Tokyo hari ini.

Menteri Pendidikan, Dr. Maszlee Malik berkata, judul buku adalah *Islamic Finance Fun-*

damentals With Applications In Malaysia, The Basics Of Islamic Finance With Application In Malaysia, Hang Tuah: Catatan Okinawa, Halal: All You Need To Know dan *Beautiful Malaysia*.

"Buku-buku ini diterjemahkan oleh Institut Terjemahan dan

Buku Malaysia (ITBM) dengan kerjasama Persatuan Malaysia Jepun (JMA) serta sokongan Universiti Utara Malaysia, Universiti Putra Malaysia dan Universiti Malaysia Terengganu.

"Pelancaran buku ini merupakan langkah permulaan dan banyak lagi

judul akan diterjemahkan dalam masa terdekat," katanya dalam satu kenyataan di sini hari ini.

Katanya lagi, pihak Kementerian akan berusaha untuk diterjemahkan buku-buku Bahasa Melayu ke dalam bahasa asing lain sekali gus mampu

mengangkat nama Malaysia di persada antarabangsa.

Dalam majlis sama, satu memorandum persefahaman dimeterai antara ITBM, JMA dan Kinokuniya Jepun bagi pengedaran buku-buku terpilih penerbitan Malaysia ke Jepun.